

इवनिंग डोगरी न्यूज़ बुलेटिन

समै .18:15 Hrs

<><><><><><>

Headlines

- 1 लोकसभा च अज्ज बरे 2025-26 लेई पेश कीते गेदे बजट पर चर्चा कीती गई।
- 2 मुखमंत्रि उमर अब्दुल्ला होरें अपनी सरकार दे पैहले बजट शा पैहले विधायकें ते जिला विकास काउंसलें दे अध्यक्षें कन्नै परामर्श कीता। उनें आखेआ जे सरकार पूरे-पराते ते सामे विकास सने असरदार ढंग्गै नै लोकें दे मसलें-नबेड़ें गी तरजीह देग।
- 3 उप-मुखमंत्रि सुरिंद्र चौधरी होरें लोकें दे कल्याण लेई जरूरी सेवाएं दे विकेंद्रीकरण लेई सरकार दी प्रतिबद्धता गी फही पक्का कीता।
- 4 सामान्य प्रशासनिक विभाग नै सब्बनं सरकारी अधिकारियें गी हुकम रसाल कीता ऐ जे सरकारी गल्लबात आहले सब्बनं कार्जक्रमें ते सार्वजनिक दफतरें च लोकें आसेआ चुने गेदे प्रतिनिधियें गी तरजीह दिती जा।
- 5 ते फीफा नै पाकिस्तान दी फुटबॉल फेरेेशन गी मुआतल करी दिता ऐ।

<><><><><><>

Budget Discussion

लोकसभा च अज्ज बरे 2025-26 लेई पेश कीते गेदे बजट उप्पर चर्चा हुई। चर्चा दी शुरुआत करदे होई कांग्रेस नेता धर्मवीर गांधी होरें आरोप लाया जे केंद्री बजट, देशे दे सामने मजूद राई-बाई मतल्लक चुनौतियें दा हल कड्डने च नाकाम रेया ऐ। उनें करसानें दी आत्महत्तेआ दे मुद्दे गी बी पुट्टेया। उनें आखेआ जे सरकार दा ध्यान भलेआं लौहके, लौहके ते दरम्याने दर्जे दे उद्यमें बक्खी नेई ऐ ते बजट च इंदा ध्यान नेई रक्खेआ गेआ ऐ। कांग्रेस नेता होरें आखेआ जे देशे च मय्यारी शिक्षा दिन-ब-दिन मेंहगी होंदी जा'रदी ऐ ते एह् देशे दे गरीबें ते वंचितें लेई बड्डी समस्या ऐ। उनें मंग कीती जे देसै च कैंसर बमारी दे इलाज सरबंधी जतनें च होर बाददा कीता जाना लोड़चदा ऐ। चर्चा च शामिल हुंदे होई भारती जनता पार्टी दे राव राजेन्द्र सिंह होरें केन्द्री बजट दी सराहना करदे होई आखेआ जे एह्दे च गरीबें, करसानें ते महिलाएं दे हितें दा पूरा ख्याल रक्खेआ गेदा ऐ। उनें इब्बी आखेआ जे सरकारें करसानें दे कल्याण पर ध्यान केन्द्रित कीता ऐ ते इस सरबंधे च केई पैहलकदमियां बी कीतीआं गईयां न।

<><><><><><>

CM Pre Budget (Byte)

मुख्यमंत्री ओमर अब्दुल्ला होंरें अपनी सरकार दे पैहले बजट शा पैहले जम्मू च विधायकें ते जिला विकास कौंसल दे अध्यक्षें कन्नै बैठका लाइयां ते बजट च लोकें दी हिस्सेदारी पर जोर पाया ऐ। सलाह-सुतर आहली इ'नें बैठकें च विधायकें, जिला विकास काउंसलें दे अध्यक्षें ते होंरें सरबंधत धड़ें हिस्सा लैता ते बजट लेई अपने सुझास ते विचार सांझे कीते। इस दरान ढांचागत विकास, रोजगार दे मौकें ते ग्रामीण अर्थबवस्था गी तगड़ा बनाने सरबंधी मामलें उप्पर मुख करी ध्यान केन्द्रित कीता गेआ। मुख्यमंत्री होंरें जकीन दोआया ऐ जे उंदी सरकार, जम्मू-कश्मीर दे पूरे-पराते ते सामे विकास सने असरदार ढंगगै'नै लोकें दे मसले नबेड़ने गी तरजीह देग। इस सरबंधे च अपने विचार सांझे करदे होई मुख्यमंत्री ओमर अब्दुल्ला होंरें आखेआ

<><><><><><>

Dy CM ARTO Nowshera

उपमुख्यमंत्री सुरिंदर चौधरी होंरें लोकें दे कल्याण लेई जरूरी सेवाएं दे विकेन्द्रीकरण लेई सरकार दी वचनबद्धता गी अज्ज फही पक्का कीता ऐ। उपमुख्यमंत्री होंरें नौशैहा च सहायक क्षेत्रीय ट्रांसपोर्ट अफसर हुंदे कैंप दफ्तर दे उद्घाटनी समारोह दरान बोला करदे हे। इस कैंप दफ्तर दी स्थापना गी बन्ने आहले इलाकें च ट्रांसपोर्ट सरबंधी सेवाएं च सुधार दी दिशा च महत्वै आहली गेह दे तौरा पर दिक्खेआ जा'रदा ऐ। इस पैहलकदमी दा मकसद नौशैहा ते सुंदरबनी दे लोकें गी उंदे घरें कश गै ट्रांसपोर्ट मतल्लक जरूरी सेवाएं दी दस्तयाबी जकीनी बनाना ऐ। इस नमें कैंप दफ्तर आसेआ हर संगारें गड़डिणें दी जांच आहली प्रक्रिया तोढ़ चाढ़ी जाहग ते हर शनिवारें ड्राइविंग टेस्ट लैते जा करडन।

<><><><><><>

Watershed-Yatra

केंद्र सरकार आसेआ शुरू कीती गेदी राश्ट्रव्यापी वाटरशेड जातरा अज्ज उधमपुर जिले च सरकारी हाई स्कूल अप्पर मल्हार च पुज्जी जित्थे डीडीसी दे सदस्यें, सहायक आयुक्त पंचैतें ते होंरें जिला अफसरें दी मौजूदगी च एडीसी रजिंद्र सिंह होंरें ते उधमपुर ईस्ट दे विधायक आर.एस पठानिया होंरें जातरा दा गर्मजोशी कन्नै सोआगत कीता। इस मौके पर उत्थे बड़ी मती गिनतरी च लोकें दी शमूलियत दिक्खी गेई जेदे च बच्चे, सकूली विद्यार्थी, युवा, सिविल सोसायटी दे सदस्य

वगैरा शामिल न। इस मौके पर सांस्कृतिक कार्यक्रम का भी आयोजन कीताग गेआ। आकाशवाणी समाचार कन्ने गल्ल करदे होई उधमपुर ईस्ट थमां विधायक आर.एस पठानिया होरें आखेआ।

<><><><><><>

Lal-Draman Fest.

पंजाब जिला प्रशासन कल बाल द्रमन स्यालू महोत्सव 2025 दी मेजबानी करने लेई पूरी चाल्ली तैयार ऐ। एहदे लेई सब्बै तैयारियां मुकम्मल करी लैती गेदियां न। इस महोत्सव का आयोजन जिला प्रशासन आसेआ सैलसफा मैहकमे, भातीय सेना ते तेजस एक पहल फाउंडेशन दे सहयोग कन्ने कीता जारदा ऐ। महोत्सव दी शुरूआत कल राष्ट्रगान कन्ने होग जेदे बाद सांस्कृतिक प्रदर्शन, लोक नाटक ते होरनी गतिविधियें सने सहकारी मैहकमे दे स्टालें का प्रदर्शन भी कीता जाग। एहदे अलावा इस महोत्सव च खेड्ड गतिविधियां, रस्साकशी प्रतियोगिता ते लोकें लेई सेहत कैप का भी सरिस्ता कीता जगा।

<><><><><><>

Resham-Kissan Mela

रेशम दी पैदावार सरबन्धी मैहकमे आसेआ कल उधमपुर जिले च रेशम किसान मेले का आयोजन कीताग गेआ। आकाशवाणी जम्मू संवाददाता नै जानकारी दिती ऐ जे मेले का आयोजन रेशम दे कीड़े पालने आहलें ते करसानें गी इस खेतर च नमी तकनीकें बारै जागरूकता फैलाने दे मकसद कन्ने कीता जा'रदा ऐ। एहदे कन्ने केंद्रीय रेश बोर्ड ते मैहकमे दे माहिरें ते साईंसदानें थमां ज्ञान हासल करने का इक मंच उपलब्ध होग। इस कार्यक्रम च प्रदर्शिनियां, लाइव डेमो ते रेशम दे कई उत्पादें दे स्टाल लाए जाडन। इस मेले का मकसद रेशम दे कीड़े पालने आहलें, करसानें, युवाएं ते महिलाएं गी आधुनिक तकनीकें, माहिरें आसेआ जानकारी ते होरने तकनीकें कन्ने जानकार बनाइयै उनेंगी सशक्त बनाया जाग।

<><><><><><>

सामान्य प्रशासनिक विभाग नै सब्बनें सरकारी अधिकारिं गी एह हुकम रसाल कीता ऐ जे ओह सब्बनें सार्वजनिक दफतरें ते सरकारी गल्लबात आहले कार्यक्रमें च लोकें आसेआ चुने गेदे प्रतिनिधिं गी तरजीह देन। आकाशवाणी जम्मू दे संवाददाता दी रिपोर्ट मूजब, इस हुकमै च, भलेआं हेठली सतह उप्पर शासन सरबन्धी कम्में च विधायकें दी महत्वपूर्ण भूमिका उप्पर जोर पाया गेदा ऐ। एह च सब्बनें सरकारी मैहकमैं गी एह निर्देश दिता गेआ ऐ जे ओह पैहल दी बिनाह उप्पर इ'नें प्रतिनिधिं गी सैहयोग देन ते इ'दे आसेआ पुट्टे गेदे मसलें दा नबेड़ा बी करोआन। सब्बनें अधिकारिं गी आखेआ गेआ ऐ जे ओह लोकें दे नुमाइंदें आसेआ कीती गेदी गुजारिशें, शकैतें यां समस्याएं पर पूरे मान-सम्मान ते पेशेवराना ढंगगै'नै कारवाइ जकीनी बनान।

<><><><><><>

FIFA

अंतर्राष्ट्री फुटबाल फेडरेशन - फीफा नै पाकिस्तान दी फुटबाल फेडरेशन गी मुअतल करी दिता ऐ जे कीजे ओह देसै च फुटबाल खेड्ड दे बवस्थित ढंगगै'नै आयोजन लेई अपने संविधान च लोइचदे संशोधन करने च नाकाम रेया ऐ। फीफा नै आखेआ ऐ जे पाकिस्तान गी उसलै तोहड़ी मुअतल गै रक्खेआ जाहग जिसलै तोहड़ी ओह एह लोइचदे संशोधन नेई करी लैदा। ध्यानजोग ऐ जे ब'रे 2017 दे बाद पाकिस्तान फुटबाल फेडरेशन गी त्रीऽ बारी मुअतल कीता गेआ ऐ। जून 2019 थमां पाकिस्तान दे फुटबाल सरबन्धी कम्में दा प्रबंधन, फीफा आसेआ नियुक्त इक कमेटी आसेआ कीता जा करदा ऐ जिसी चुनांऽ करोआने ते होरनें दुइएं ढांचागत कमिं-खामिं गी दुरूस्त करने दी जिम्मेदारी दिती गई ही। ऊ'आं एह कमेटी इ'नें योजनाएं गी असरदार ढंगगै'नै लागू करने च नाकाम साबत होई ऐ। पिच्छले 5एं ब'रें दरान इस कमेटी दे नेतृत्व ते सदस्यता च केई तब्दीलिं दे बावजूद पाकिस्तान दे फुटबाल सरबन्धी ढांचे च मजूद बड्डे मुद्दें गी हल नेई कीता जाई सकेआ ऐ।

<><><><><><>

रियासी जिले च अज्ज दिव्यांग लोकें आसेआ इक शानदार रैली कड्डी गई जेहदे राहें उनें अपने पक्के निश्चे, सबर ते समग्रता दी भावना दा प्रदर्शन कीता। इस कार्यक्रम दा मकसद सब्बनें दी भागीदारी आहले समाज गी बढ़ावा दिंदे होई दिव्यांग लोकें दे अधिकारें ते उंदी क्षमताएं बारे जागरूकता पैदा करना हा। रियासी दे अतिरिक्त जिला विकास कमिशनर सुखदेव सिंह समेयाल होर कार्यक्रम दे मुख परौहने हे। सब्बनें उम्मी दे लोकें, समाजी कार्यकर्ताएं ते समुदायें दे सदस्यें बी इस रैली च पूरे जोश कन्ने हिस्सा लैता ते दिव्यांग लोकें दे हितें ते अधिकारें लेई अपना समर्थन जताया। कार्यक्रम दे अखीरै च सब्बनें गी सगंध चुकाई गई जे ओह दिव्यांग लोकें लेई साजगार म्हौल कायम करने ते उंदा सैहयोग करने लेई अपने कम्में गी बरोबर जारी रक्खडन।

इस मौके बोलदे होई रियासी दे अतिरिक्त जिला विकास कमिशनर सुखदेव सिंह समेयाल होरें आखेआ

<><><><><><>

Snow Volley Ball

ग्रामीण इलाकें च खेड्डें ते समुदाय दी भागीदारी गी बढ़ावा देने दी इक कोशश च ग्रामीण विकास मैहकमे दी टीम आसेआ ब्लाक मढ़ावाह च इक रोमांचक स्नो वॉलीबॉल टूर्नामेंट दा आयोजन कीता गेआ। मढ़ावाह दे बीडीओ शबीर अहमद हुंदे मार्गदर्शन च आयोजित इस कार्यक्रम च मकामी टीमें बड़े मते उत्साह कन्नै हिस्सा लैता। इस मौके पर एसडीएम मढ़ावाह डॉ. मोहम्मद अशरफ होर मुख परौहने हे। इस टूर्नामेंट दा मकसद सामुदायिक भावना गी बढ़ावा देना, तंदरूस्ती ते मकामी हुनर गी इक मंच उपलब्ध करोआना हा। उत्थूं दे नौजवानें मैहकमे दे जत्नें दी सराहना करदे होई इस इलाके च होर मते खेड्डे कार्यक्रमें दा आयोजन करने दा अनुरोध कीता।

<><><><><><>

Millets

बाजरे ते पोशन अनाज गी बढ़ावा देने दी पैहलकदमी तैहत राई-बाई मैहकमा उधमपुर आसेआ बक्ख-बक्ख स्कूलें च इक दिनै दा बाजरे सरबंधी जागरूकता कार्यक्रम दा आयोजन कीता गेआ जेदे च विद्यार्थियें गी मुट्टे अनाज दे पोषण सरबंधी फायदें बारें जानकारी दिती गेई इस कार्यक्रम दा आयोजन एच.ए.डी.पी कार्यक्रम दे तैहत कीता गेदा हा।

<><><><><><>
